



UNIVERSITÄTS-  
BIBLIOTHEK  
PADERBORN

# **Claudii Fleurii Abbatis Historia Ecclesiastica**

Ab Anno Christi 888. Usque Ad Annum 1000

**Fleury, Claude**

**August. Vind. [u.a.], 1761**

**VD18 90117921**

§. 1. Caroli Crassi obitus. Plures Reges.

---

[urn:nbn:de:hbz:466:1-66313](https://nbn-resolving.org/urn:nbn:de:hbz:466:1-66313)



HISTORIA  
 ECCLESIASTICA.  
 LIBER LIV.

STEPHANUS VI. PAPA.  
 ARNULPHUS REX GERMANIÆ. LEO VI.  
 IMPERATOR ORIENTIS.

§. I.

*Caroli Crassi obitus. Plures  
 Reges.*

**C**um Carolus Imperator in misere- Sæculum IX.  
 randam animi, corporisque im- A. C. 888.  
 becillitatem incidisset, in Comitibus ab ipso

*Hist. Eccles. Tom. XIII. A Tri-*



Sæculum IX. Triburiæ circa Festum S. Martini hoc  
A. C. 888. anno octingentesimo octogesimo septimo celebratis, eum omnes Germaniæ Proceres deserunt, & Arnulphum, Carlomanni filium, (\*) Regem salutant. Tanta vero Caroli fuit calamitas, ut cibus tantum & potus ex Liutberti Archiepiscopi Moguntini sumptibus ei præberetur, & ad Arnulphum mittere cogere-tur, qui vitæ præsentis subsidium pro se supplices exposcerent. Arnulphus commiseratione motus patruo fundos concessit in Allemannia, ubi e misera vita exiit duodecima Januarii anno octingentesimo octogesimo octavo, & in Monasterio Augiæ divitis sepultus est.

Regi-

(\*) Arnulphus filius Carlomanni Regis Bojoariæ ex Littovvinda nobilissima in Carinthia amica genitus a Scriptoribus fertur; unde Genus Carolinum in Germania jam tunc defecisse dici potest. Ceterum post Caroli Crassi casum Francorum Imperium ita divisum est, ut exinde Francia Occidentalis seu hodierna Gallia, & Francia Orientalis seu Germania sub uno Principe nunquam amplius coaluerint. Franci in Germania lingua Teutonica utebantur, in Gallia, Latina corrupta, unde hodierna Gallica maximam partem ortum trahit, quamvis multa etiam a Teutonica, præsertim modum conjugandi cum verbis auxiliaribus, acceperit, & retinuerit.



Regino Abbas Prumiensis, illius æta- Sæculum IX.  
 tis Scriptor, Caroli pietatem, assiduum o- A. C. 888.  
 randi studium, in distribuendis eleemo-  
 synis liberalitatem, Legum Ecclesiastica-  
 rum observantiam, & Dei Præcepta im-  
 plendi sollicitudinem laudat. At nihilo- Reg. an. 885.  
 minus idem Regino commemorat, quod  
 Carolus Godefredum Ducem Frisiæ, qui  
 ab ipso defecerat, structis clam insidiis  
 interfici iusserit, & simili arte Hugonem  
 Lotharii filium, illius seditionis Aucto-  
 rem, a proditoribus captum & oculis pri-  
 vatum in Monasterio S. Galli inclusit.  
 Hugo postea in Abbatiam Prumiensem  
 commigravit, ubi post longum temporis  
 spatium, accepta de manu Reginonis  
 Tonsura monastica, elapsis exinde aliquot  
 annis decessit.

Carolo Imperatore defuncto Regna,  
 quæ ipse possederat, in multos divisa.  
 Quædam pars Italiæ Berengarium filium  
 Everhardi Ducis Forojulienensis Regem  
 salutavit. Alia Guidonem Lamberti  
 Ducis Spoletani filium, cui Pontifex ma-  
 ximus favebat, Regem sibi substituit.  
 Inde exitiale bellum ortum, quo tandem  
 Guido vicit; Berengarius vero ad Ar-  
 nulphum Regem Germaniæ se recepit.  
 In Francia coactis hujus gentis Comitibus  
 Rex creatur Odo Comes Parisiensis &  
 Aurelianensis, filius Roberti fortis, viri  
 strenui, qui & ipse Regnum contra in-  
 cursio-



**Sæculum IX.** cursiones Normannorum egregie propu-  
**A. C. 888.** gnaverat. Odonem unxit Walterius  
**Tom. 2. Cap.** Archiepiscopus Senonensis; habemus  
**p. 291.** que juramenti a Rege tunc editi formu-  
 lam. Ceterum hæc electio cum consen-  
 su Arnulphi celebrata; sed ipso invito  
**† Raoul.** Rudolphus † Conradi filius effecit, ut  
 Rex Burgundiæ superioris, scilicet Regio-  
 nis inter Alpes & Juram montem positæ  
 renunciaretur. Is electus coronatusque  
 est in Conventu Principum & Episcopo-  
 rum, ad S. Mauritium in Valesia cele-  
 brato.

## §. II.

*Concilium Moguntinum.*

**tom. 9. Conc.** Eodem anno octingentesimo octogesi-  
**p. 401.** mo octavo, Arnulphi Regis primo,  
 ipso jubente, celebratum est Concilium  
**Regino an.** Moguntia, cui tres Archiepiscopi Luit-  
**889.** bertus Moguntinus, Guillebertus Colo-  
 niensis, & Ratbodus Trevirensis cum  
 suis Suffraganeis interfuerunt.

Obiit Luitbertus anno sequente o-  
 ctogentesimo octogesimo nono, eique  
 successit Sunzo seu Sunderoldus, Mona-  
 chus Fuldenfis, qui annis non plus duo-  
 bus sedem tenuit. In Præfatione hujus  
 Concilii Episcopi calamitatis publicæ  
 causam peccata sua, & præsertim quod  
 Concilia provincialia non convocaren-  
 tur, esse confitentur. Tristem vero re-  
 gionum